

Den e categoria bou di 4 miyon pasahero:

Aeropuerto di Aruba nomina pa premio reconoci

ORANJESTAD –Nos ta contento di informa cu Aruba Airport Authority N.V. (AAA) un biaha mas ta nomina pa e “Routes Americas Marketing Awards den e categoria bou di 4 miyon pasahero.

E Routes Marketing Awards anual ta mundialmente reconoci como e award mas importante den e industria, mirando cu e votacion y husgamento ta wordo haci pa e

comunidad di personal cu ta planifica network aereo mes. Aerolineanan ta wordo instrui pa vota pa e organisacionnan cu ta brinda e miho servicionan di mercadeo en general na nan pa nan relacion en particular, resultadonan efectivo, provision di informacion di data of tecnicanan innovativo nobo pa mantene y desaroya rutanen existente.

Aeropuerto di Aruba ta no-

mina den e categoria di aeropuertonan cu ta procesa 0-4 miyon di pasahero pa aña, hunto cu Charleston International, Curaçao -Hato International Airport, Cyril E. King St. Thomas Airport y Medellin City Airport, Colombia.

Aeropuerto di Aruba su Departamento di Airline Marketing ta kere fuertemente cu su relacion di partnernan den mercado di aerolinea ta

componente critico pa pusha e trafico di turismo y balor pa e sector di turismo creciente.

Esaki no ta e prome biaha cu Aeropuerto di Aruba a wordo reconoci pa World Routes Awards, mirando cu a ricibi premio den e ultimo 10 ceremonianan.

“Nos team ta hopi dedica na atende tur e necesidadnan di nos aerolineanan partner. Nos ta hopi consciente di e

importancia di e compromiso, y e di 10 nominacion ta prueba cu nos esfuersonan ta wordo aprecia bou di nos aerolineanan partner.”, asina Aeropuerto di Aruba su Head Airline Marketing Sra. Jo-Anne Arends a bisa.

E ganado di e Americas Routes Marketing Awards 2016 lo wordo anuncia dia 18 di februari, 2016 durante e evento di Americas Routes Networking na San Juan, Puerto Rico. □